

**Paerewa Paetae****Aronga** Te Reo Rangatira 1.2**Ingoa** Te whakamārama i te pānga o te horopaki ki te reo**Kaupae** 1 **Whiwhinga** 6 **Aromatawai** Ā-roto**Marau akoranga** Te Marautanga o Aotearoa**Kokonga akoranga** Te Reo Rangatira**Mana rēhita** Kua rēhitatia **Te rā i mana ai** Hakihea 2023**Te rā e arotakengia ai** Hakihea 2028 **Te rā i puta ai** Hakihea 2023**Te Whāinga**

Ko tā tēnei paerewa he aromatawai i te kaha o te ākonga ki te whakamārama i ngā pānga o ētahi horopaki ki te reo.

**Paearu Paetae**

<b>Paetae</b>	Hei tohu i te paetae: <ul style="list-style-type: none"><li>Ka whakamārama i te pānga o te horopaki ki te reo.</li></ul>
<b>Kaiaka</b>	Hei tohu i te kaiaka: <ul style="list-style-type: none"><li>Ka hōhonu te whakamārama i te pānga o te horopaki ki te reo.</li></ul>
<b>Kairangi</b>	Hei tohu i te kairangi: <ul style="list-style-type: none"><li>Ka tōtōpū te whakamārama i te pānga o te horopaki ki te reo.</li></ul>

**Kōrero Āpiti**

- I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Te Reo Rangatira kei: <https://ncea.education.govt.nz>.

*Whāinga Paetae*

6.1 ā-Tā

Ka whakaaro nuitia ngā pūkenga ka whakamahia e te kaituhi, e te kaitā e rangona ai tōna ake wairua tuhi, wairua tā rānei.

6.1 ā-Tinana

Ka mārama ki te reo ā-tinana i ngā horopaki huhua, ahakoa ōpaki, ōkawa rānei.

6.2 ā-Tinana

Ka whakamahi i ngā āhukatanga katoa o te reo me te tinana hei whakatau tika i ngā take, hei whakawhitiwhiti whakaaro, kare ā-roto me te mōhiohio.

Rautaki Reo

6.3 ā-Tinana

Ka hāngai te reo ā-waha me te reo ā-tinana ki te kaupapa.

6.5 ā-Waha

Ka arohaehae i ngā kōrero me ngā tuhinga Māori i runga i te hāngai ki te kaupapa, ki te momo reo me te kaipānui, kaiwhakarongo rānei.

6.5 ā-Tā

Ka whakahāngai i ngā āhukatanga o te whakatakoto kōrero hei whakaihi i te kaipānui kia aro mai ki tā te kaituhi e hiahia ai.

2 E whai ake nei ngā whakamārama mō ngā paearu paetae:

*Ka whakamārama i te pānga o te horopaki ki te reo.*

- Ka tautohu i ngā āhukatanga motuhake o te horopaki.
- Ka whakaatu māramatanga ki ngā pānga o te horopaki ki te reo.
- Ka mārama te reo whakamārama.

*Ka hōhonu te whakamārama i te pānga o te horopaki ki te reo.*

- Ka whakaahua i ngā āhukatanga motuhake o te horopaki.
- He whānui te māramatanga ki ngā pānga o te horopaki ki te reo ka kitea.
- Ka whitake te reo whakamārama.

*Ka tōtōpū te whakamārama i te pānga o te horopaki ki te reo.*

- Ka matapaki i ngā pānga o te horopaki ki te reo.
- He whaihua te reo o te whakamārama.

3 E whai ake nei ngā whakamārama mō ngā kupu me ngā kīanga whitake matua o te paerewa nei:

*āhukatanga motuhake o te horopaki*

Ko ngā mea ka kitea, ka rangona i taua horopaki tonu.

<i>horopaki</i>	<p>Ko te taiao e noho nei te reo. Ko ngā āhuetanga e karapoti ana i te kōrero, i te tuinga rānei. Ko ngā tino āhuetanga o te horopaki ko:</p> <ul style="list-style-type: none"> <li>• ngā tāngata</li> <li>• te wā</li> <li>• te taiao</li> <li>• te kaupapa</li> <li>• te āhua o te tuku i te kōrero</li> <li>• te pūtake o te kōrero.</li> </ul>
<i>ka hōhonu te whakamārama</i>	<p>He whānui tana mōhio ki te reo o te horopaki, ā, ka tāpiri i ētahi taipitopito hei whakaahua i te reo. Ka whakamahi i ngā mōhioanga ki roto i ētahi tino horopaki.</p>
<i>ka matapaki i ngā pānga</i>	<p>Ka tautokona ngā pānga kua tautohua ki ētahi tauira, ā, ka kōrerohia ētahi hononga i waenga i ngā pānga, ngā hua rānei ka puta i te nohotahi o ētahi pānga.</p>
<i>ka whaitake te reo whakamārama</i>	<p>He whaitake, he hāngai te reo whakamārama, tae atu ki ngā kupu me te hanganga o te reo.</p>
<i>tōtōpū</i>	<p>Ka whai whakaaro ki te whānuitanga o te whakamārama, ki ngā whakaaro matua me ngā āhuetanga whāiti, ki ngā tauira hei tautoko ake, me te āhua o te whakaahuetanga.</p>
<i>ka tautohu i ngā āhuetanga motuhake</i>	<p>Ka whakaatu i tana mōhioanga waiwai ki ngā āhuetanga motuhake o te horopaki. Ko ngā āhuetanga motuhake i maharatia, he whaitake, ā, e tino whai wāhi ana ki te horopaki.</p>
<i>ka whaihua te reo</i>	<p>He nahanaha te takoto o ngā kōrero, he arorau te raupapa o ngā whakaaro. He koi, he popoto te kōrero. He hāngai, he tika, ā, ka kotahi atu ki ngā mōhioanga ki ngā pānga o te horopaki ki te reo. Ka whakamahia ētahi rautaki whakawhitiwhiti kōrero e mau ai te kaipānui, te kaiwhakarongo.</p>
<i>whakaahua</i>	<p>Ka whakaatu ā-kupu i te horopaki me ngā āhuetanga motuhake.</p>
<i>whakamārama</i>	<p>Ko te whakawhānui ake i te whakaahuetanga o tētahi horopaki me ngā pānga ki te reo kia kōrerohia ai ngā take i puta ai taua huānga me ngā pānga ka puta. Me whai whakaaro ki ngā pātai pēnā i te 'me pēhea', me te 'he aha ai'. Me whai whakaaro anō ki te horopaki me ngā pānga ki te reo i te ao, i ōna ake wheako anō hoki.</p>

<i>whānui</i>	Kua whai whakaaro ki ngā āhuatanga matua me ētahi āhuatanga whāiti o te horopaki, o te reo hoki.
---------------	--

- 4 Ko te kaupapa matua o tēnei paerewa ko te reo me te taiao e noho nei te kōrero. E eke ai te ākongā ki te kairangi, me pakari hoki ōna pūkenga whakarongo, ōna pūkenga pānui, ōna pūkenga mātakitaki.
- 5 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.
- 6 Kuputaka

āhuatanga motuhake	<i>special (unique) feature</i>
hāngai	<i>relevant, related</i>
horopaki	<i>context</i>
koi	<i>succinct</i>
mahara	<i>recall</i>
mōhiotanga waiwai	<i>basic understanding</i>
pānga	<i>effect</i>
popoto	<i>concise</i>
tōtōpū	<i>robust, thorough</i>
whaihua	<i>to have value, effective</i>
whaitake	<i>appropriate, purposeful</i>

---

### Kōrero Whakakapinga

I whakakapingia ngā paerewa 91657-91668 e ngā paerewa 92073-92076.

---

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.

- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233

---